

16. gr.

160

Veðdeild Landsbanka Íslands skal sjá um afgreiðslu þeirra lána, sem veitt eru af húsnæðismálastjórn, svo og innheimtu afborgana og vaxta. 26. sept.

Veðdeildinni er heimilt að afgreiða A- og B-lán til nýbyggingar húsnæðis, þegar íbúð er komin það langt áleiðis, að hún samkvæmt mati geti talizt öruggt veð fyrir láninu, þó ekki fyrr en íbúðin er fokheld.

Heimilt er veðdeildinni að halda eftir hluta af lánum, þar til frágangur byggingar er orðinn eins og húsnæðismálastjórn og veðdeild gera kröfu um. Enn fremur getur húsnæðismálastjórn látið halda eftir hluta af lánum, þar til umsækjandi hefur skilað kostnaðaryfirliti yfir byggingu íbúðarinnar.

Bráðabirgðaákvæði.

Umsóknir um lán, sem borizt hafa húsnæðismálastjórn og enn hafa ekki verið afgreiddar, skulu nú þegar metnar, samkvæmt ákvæðum 10.—11. gr. reglugerðar þessarar og hljóta afgreiðslu samkvæmt ákvæðum þessarar reglugerðar.

Ef umsóknir þessar hafa ekki að geyma einhverjar þær upplýsingar, sem nauðsynlegar eru vegna ákvæða 10.—11. gr., skal umsækjendum gefinn kostur á að bæta úr því með viðbótarupplýsingum eða nýrri umsókn, en stig samkvæmt 10. gr. d skulu þá metin eftir aldri hinnar óafgreiddu umsóknar.

Reglugerð þessi staðfestist hér með samkvæmt lögum nr. 42 1. júní 1957, um húsnæðismálastofnun, byggingarsjóð ríkisins, sparnað til íbúðarbygginga, breyting á I. kafla laga nr. 36/1952 o. fl., til að öðlast þegar gildi og birtist til eftirbreytni öllum, sem hlut eiga að máli.

Í félagsmálaráðuneytinu, 26. september 1957.

Hannibal Valdimarsson.

Hjalmar Vilhjálmsson.

REGLUGERÐ

161

um breyting á fjallskilareglugerð fyrir Borgarfjarðarsýslu nr. 174 25. ágúst 1952. 27. sept.

1. gr.

Í stað orðanna „sbr. þó 13. gr.“, í lok fyrstu málsgreinar í 8. grein reglugerðarinnar komi: sbr. þó 11. og 13. gr.

2. gr.

Orðin „og nágrannar“, í fyrstu málsgrein 9. greinar falli niður.

Á eftir fyrstu málsgrein komi ný málsgrein: Hreppsnefnd má ákveða hvað skemmst megi reka.

3. gr.

Aftan við aðra málsgrein 11. greinar komi ný málsgrein:

Hreppstjóri og forðagæzlumaður skulu hver í sínu lagi gera skrá um alla framteljendur og fjölda sauðfjár og hrossa hjá hverjum einum eins og það er framtalið eða þeir telja rétt vera. Skulu þessar skrár vera komnar til oddvita hreppsnefndar fyrir 1. ágúst ár hvert.

- 161** Aftan við síðustu málgrein greinarinnar komi ný málgrein:
 27. sept. Nú er afréttur of þröngur fyrir allt sauðfé og stóðhross hreppsþúa að mati hreppsnefndar, og má nefndin þá semja við þá, er teljast eiga rúmgóð heimalönd, að þeir láti fénað sinn ganga heima, gegn niðurfellingu fjallskila að einhverju leyti, þó aldrei meira en að helmingi.

4. gr.

Aftan við orðin: „— — og eitt hross 5 einingar“ í 15. grein komi:

Þó má, ef hreppsnefnd telur heppilegra, breyta þessum hlutföllum þannig, að allt að tífallt herra fjallskilagjald greiðist af hrossi en kind.

5. gr.

22. grein fjallskilareglugerðarinnar hljóði svo:

Réttir, leitarsvæði, réttardagar.

Þessar skulu vera skilaréttir í sýslunni:

1. Rauðgilsrétt. Leitarsvæði: Hálsahreppur og Reykholtisdalshreppur.
 Fyrri Rauðgilsrétt skal vera föstudaginn í 23. viku sumars, en hin síðari föstudaginn í 25. viku sumars. Sundurdráttur skal vera í Húsafelli og rekist úrtíningur þaðan til Rauðgilsréttar.
2. Oddsstaðarétt. Leitarsvæði: Lundarreykjadalur, Andakílhreppur suður að Andakílsá og lönd jarða í norðanverðum Skorradal frá Stálpastöðum og niður að Hálsun, að báðum þeim jörðum meðtöldum.
 Fyrri Oddsstaðarétt skal vera miðvikudaginn í 22. viku sumars, en hin síðari laugardaginn í 25. sumarviku. Heimilt er að rétta stóði í Oddsstaðarétt þriðjudaginn í 22. sumarviku.
 Sundurdráttarétt skal vera á Reykjum og rekist úrtíningur þaðan til Oddsstaðaréttar.
3. Bakkakotsrétt. Leitarsvæði: Lönd Háafells, Fitja, Sarps, Efstabæjar, Bakkakots, Vatnshorns og Haga.
 Fyrri Bakkakotsrétt skal vera mánudaginn í 22. viku sumars, en hin síðari fimmtudaginn í 25. viku sumars.
4. Hrafnséyrrétt. Leitarsvæði: Hvalfjarðarstrandarhreppur, þar með talið land Stóra-Botns, sunnan Botnsár og Fitjakirkjuland í Botnsheiði.
 Fyrri Hrafnséyrrétt skal vera miðvikudaginn í 22. viku sumars en hin síðari laugardaginn í 25. viku sumars.
5. Hreppsrétt. Leitarsvæði: Lönd allra jarða í sunnanverðum Skorradal frá Stóru-Drageyri og að Neðra-Hreppi, að báðum meðtöldum, og allra jarða í Andakílhreppi sunnan Andakílsár.
 Fyrri Hreppsrétt skal vera mánudaginn í 22. viku sumars, en hin síðari fimmtudaginn í 25. sumarviku.
6. Hafnarrétt. Leitarsvæði: Leirár- og Melahreppur.
 Fyrri Hafnarrétt skal vera þriðjudag í 22. viku sumars, en hin síðari föstudag í 25. sumarviku.
7. Grafarrétt. Leitarsvæði: Skilmannahreppur. Innri-Akraneshreppur og Akraneskaupstaður.
 Fyrri Grafarrétt skal vera mánudaginn í 22. viku sumars, en hin síðari fimmtudaginn í 25. sumarviku.
 Hreppsnefndir ákveða réttardaga sundurdráttaréttar.

6. gr.

Aftan við næstsiðustu málgrein 27. greinar komi:

Liggi tvær skilaréttir innan sama hrepps, og beri réttarhald í báðum upp á sama dag, skal hreppstjóri ráða mann til að gegna störfum fyrir sig í annarri réttinni, enda samþykki sýslumaður ráðningu staðgöngumanns.

7. gr.

Önnur málgrein, 41. greinar hljóði svo:

Markasöfnun skal fara fram í októbermánuði árið áður en prenta skal skrá. Hreppstjórar safna mörkum hver í sínum hreppi. Fyrir þann starfa sinn fá þeir $\frac{1}{10}$ — einn tíunda hluta — markagjalda.

8. gr.

Önnur málgrein 42. greinar orðist svo:

Vilji einhver taka upp nýtt mark eða hafi einhver flutzt inn á markaskrársvæðið og vilji fá að nota það mark, er hann áður átti, þarf að fá til þess samþykki markaskrárhöfundar, er lætur síðan prenta það á kostnað markeiganda. Er markið þá fyrst heimilt til notkunar.

Reglugerð þessi, sem sýslunefnd Borgarfjarðarsýslu hefur samið og samþykkt, staðfestist hér með samkvæmt 41. gr. sveitarstjórnarlaga nr. 12 31. maí 1927, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Landbúnaðarráðuneytið, 27. september 1957.

Hermann Jónasson.

Árni G. Eylands.

REGLUGERÐ

um sparnað til íbúðabygginga.

I. KAFLI

Innlánsdeild Byggingarsjóðs ríkisins.

1. gr.

Sérstök innlánsdeild skal starfa á vegum Byggingarsjóðs ríkisins undir stjórn húsnæðismálastjórnar.

2. gr.

Innlánsdeild Byggingarsjóðs ríkisins skal heimilt að gera sérstaka sparnaðarsamninga við þá, sem óska að safna fé til íbúðabygginga skv. 9. gr. laga nr. 42/1957. Allir slíkir samningar skulu háðir eftirtöldum reglum:

- a) Fé, sem sparandi leggur í innlánsdeild samkvæmt samningi, skal bundið a. m. k. 5 ár frá því innlög hófust.
- b) Sparnaðurinn skal fara fram með reglulegum innlögum mánaðarlega, ársfjórðungslega eða missirislega. Skylt er að leggja inn a. m. k. kr. 5000.00 á ári hverju, ella missa menn þeirra forréttindi, sem samningurinn veitir um lánveitingar (sbr. 3. gr.).
- c. Af innlánsfé þessu skulu greiddir venjulegir innlánsvextir, skulu þeir færðir árlega, en ekki greiddir reikningseiganda fyrr en í lok samningstímans.